



Broj: 02-04-916/24-AP-17
Datum: 21.05.2024. godine

GRADSKO VIJEĆE ZAVIDOVIĆI
n/r PREDSDJEDAVAJUĆEM GRADSKOG VIJEĆA
Admir Fojnica, prof.

PREDMET: Dopuna odgovora na vijećnička pitanja sa 23. sjednice Gradskog vijeća Zavidovići održane 28.03.2024. godine i vijećničko pitanje vijećnice Džemanine Memagić od 19.04.2024. godine, dostavljaju se

Povodom vijećničkih pitanja postavljenih na 23. sjednice Gradskog vijeća Zavidovići održanoj 28.03.2024. godine i vijećničkog pitanja vijećnice Džemanine Memagić od 19.04.2024. godine, dostavljamo dopunu odgovore na:

1. VIJEĆNIČKO PITANJE VIJEĆNIKA AMERA AVDIČEVIĆA

Vijećnik Amer Avdičević: Na osnovu člana 8. i 87. Poslovnika o radu Gradskog vijeća Zavidovići postavljam sljedeće pitanje:

Molim da mi Službe dostave svu dokumentaciju vezanu za dodjelu parkirališta na korištenje radi pružanja usluga parking uz naplatu. Tražimo da nam se dostave svi do sada zaključeni Ugovori sa privrednim društvima zajedno sa visinama naknade koju plaćaju privredna društva po svakom zaključenom Ugovoru. Tražim da mi se dostavi i Odluka vijeća koja je osnov za raspisivanje javnih poziva za dodjelu parkirališta na korištenje radi pružanja usluga parkinga.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-139/24 od 06.05.2024. godine): U prilogu dostavljamo kopije zaključenih ugovora o korištenju parkirališta na području Grada Zavidovići.

Napominjemo da su za ugovore zaključene 2017. godine za parkirališta u ulici Mehmed-paše Sokolovića i ulici Alije Izetbegovića, postupci dodjele parkirališta na korištenje radi pružanja usluge parkiranja uz naplatu pokrenuti 2015. godine, te da su isti zaključeni tek nakon donošenja Presude Kantonalnog suda u Zenici broj: 04 0 U 00798515 U.

2. VIJEĆNIČKO PITANJE VIJEĆNICE DŽEMANINE MEMAGIĆ

Vijećnica Džemanina Memagić: Zbog čega privredni subjekti na području Grada Zavidovići ne mogu u nadležnoj službi ovjeravati potpise na svojim poslovnim aktima i odlukama koje se odnose na promjenu podataka od značaja za pravni promet i poslovanje, odluke o osnivanju privrednih subjekata, odluke o osnivanju poslovne jedinice i slično, odnosno na koji Zakon i Odluku se pozivaju kada odbijaju da izvrše ovjeru?“

ZAKONOM O REGISTRACIJI POSLOVNIH SUBJEKATA U FEDERACIJI BOSNE I HERCEGOVINE („Službene novine FBiH“, br. 27/2005, 68/2005, 43/2009, 63/2014, 32/2019 – Odluka Ustavnog suda i 85/2021) propisani su uslovi za promjene podataka za poslovne subjekte, između ostalog da takvi akti moraju biti notarski obrađeni ili ovjereni, međutim Odlukom Ustavnog suda BiH: Odredbe člana 29. tačka 2) u dijelu koji glasi „notarski obrađen“ i tačka 3) u dijelu koji glasi „notarski utvrđen“ kao i odredbe člana 36. stav 1. u dijelu koji glasi „notarski obrađene“ Zakona o registraciji poslovnih subjekata u Federaciji Bosne i Hercegovine („Službene novine FBiH“, br. 27/2005, 68/2005, 43/2009 i 63/2014), prestale su da važe 16. novembra 2019. godine, istekom roka za usklađivanje, slijedom čega se ustalila praksa u svim sudovima u FBiH nadležnim za vođenje registra privrednih subjekata da se akti privrednih subjekata mogu ovjeriti u općini ili kod notara (po daleko većoj taksi).

Dakle Općinski sud u zenici – odjel registra privrednih subjekata prihvata akte koji su ovjereni od strane općinske službe, temeljeći svoj stav na Presudi Ustavnog suda Federacije Bosne i Hercegovine, broj: U22/16 od 06.03.2019. godine kojom je utvrđeno da određene odredbe Zakona o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05, 43/09 i 63/14), kojima je propisana obvezna notarska obrada određenih isprava, nisu sukladne Ustavu Federacije BiH, pa stoga nema potrebe da naši, zavidovički vlasnici poslovnih subjekata idu da vse ovjere u Žepču što je dosadašnja praksa.

Dalje, prema ZAKONU O OVJERAVANJU PTPISA, RUKOPISA I PREPISA Službeni list SR Bosne i Hercegovine broj: 37/1971, 39/75 i 42/89 Članom 1. predviđeno je Ovjeravanje potpisa ili rukopisa je potvrđivanje njihove autentičnosti. Ovjeravanje prepisa je potvrđivanje njegove istovjetnosti sa izvornom ispravom. Ovjeravanjima se ne potvrđuje istinitost sadržaja isprave.

Dakle osoba koja vrši ovjeru nema odgovornost za sadržaj akta koji ovjerava, već je samo dužna da utvrdi identitet lica koje zahtijeva ovjeru potpisa, ali za sadržaj ne odgovara. Dakle bespotrebno je uplitanje organa koji vrše ovjeru u sadržaj isprave.

Sve gradske i općinske službe ovlaštene za ovjeru potpisa na području ZDK i drugih kantona vrše ovjere potpisa za privredne subjekte, takve akte prima i po njima postupaju Općinski sud u Zenici, molim nadležni organ da provjeri te činjenice, pa zbog čega se kod nas tako ne postupaju i privrednicima se dodatno povećavaju ionako već veliki troškovi poslovanja?

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-10-12-94/24 od 07.05.2024. godine): Članom 33. Zakona o registraciji poslovnih subjekata u Federaciji Bosne i Hercegovine („Službene novine FBiH“, br. 27/2005, 68/2005, 43/2009, 63/2014, 32/2019 – odluka Ustavnog suda i 85/2021) glasi:

„Isprave potrebne za upis u registar promjena podataka od značaja za pravni promet Kod upisa promjena podataka od značaja za pravni promet kao što su: promjena firme, sjedišta subjekta upisa, djelatnosti subjekta upisa, lica ovlaštena za zastupanje, promjene osnivača i drugih promjena u registar se dostavlja notarski obrađen akt o izmjenama i/ili dopunama tih podataka.“

U članu 22. istog Zakona se navodi da za potrebu utvrđivanja i provjere općih i posebnih podataka koji se prilikom osnivanja poslovnih subjekata ili izmjene podataka od značaja za pravni promet obavezno unose u registar, registarski sud zahtijeva podnošenje notarski obrađenog akta o osnivanju ili akt o izmjenama općih podataka od značaja za pravni promet već osnovanog odnosno registrovanog subjekta upisa kojim se utvrđuje osnivanje, odnosno izmjena bitnih podataka, notarski utvrđen statut poslovnog subjekta itd.

Što se tiče isprava i drugih akata potrebnih za upis pojedinačnih oblika poslovnih subjekata u navedenom zakonu u članu 23., 24., 25., 26., 27., 28. se navodi da je za osnivanje

dioničkog društva, banke ili druge finansijske organizacije, dioničkog društva za osiguranje, društva sa ograničenom odgovornošću, javnog preduzeća i privatizacije preduzeća uz ostale dokumente potreban i notarski obrađen akt o osnivanju i notarski utvrđen statut.

Član 29. navedenog Zakona se odnosi na isprave potrebne za upis u sudski registar osnivanja preduzeća koje ima javna ovlaštenja gdje se uz ostalo navodi da je potreban akt o osnivanju i statut.

Član 36. navedenog zakona se odnosi samo na isprave potrebne za upis u registar povećanja odnosno smanjenja osnovnog kapitala društva sa ograničenom odgovornošću.

Prilikom obavljanja poslova ovjere potpisa, rukopisa i prepisa, uposlenici Grada Zavidovići rade na osnovu Zakona o ovjeravanju potpisa, rukopisa i prepisa i svih drugih zakona kojima se propisuje vrsta akta koju stranka treba priložiti u zavisnosti od pravnog posla za koji joj je potrebna dokumentacija.

U slučaju da stranka traži ovjeru dokumenata za koje zakon propisuje da moraju biti notarski obrađeni, uposlenici koji rade na ovjeri potpisa, rukopisa i prepisa obavještavaju stranku da se za konkretnu ovjeru trebaju obratiti notar.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)